



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

15,170 WANITA BERJAYA DIBANTU MELALUI INISIATIF WANITA BANGKIT@KPWKM MYKASIH KAPITAL

MIRI, 27 Jan – Seramai 15,170 wanita telah dibimbing melalui kursus-kursus keusahawanan dan perniagaan melalui inisiatif program Keusahawanan Wanita Bangkit@KPWKM MyKasih Kapital. Ini merupakan inisiatif di bawah **Program Wanita Bangkit@KWPKM dalam membantu wanita** yang hilang pendapatan, pencari nafkah utama atau ibu tunggal.

Usaha ini bertujuan memperkasa ekonomi kumpulan sasar dan meningkatkan taraf hidup mereka yang memerlukan bantuan segera kewangan dalam mengoptimumkan potensi individu berdasarkan kemahiran mereka agar tidak terus bergantung kepada bantuan kerajaan sepenuhnya.

Wanita Bangkit@KPWKM diwujudkan bagi meningkatkan pendapatan dan mengurangkan kos sara hidup rakyat, bertepatan dengan konsep Malaysia MADANI di bawah Kerajaan Perpaduan yang diilhamkan oleh YAB Perdana Menteri dalam memastikan golongan sasar termasuk wanita tidak terpinggir dalam arus pembangunan ekonomi negara.

Seramai 200 peserta wanita yang hadir menerima bimbingan sebagai persediaan asas bagi mempersiapkan diri untuk menceburi bidang keusahawanan seperti e-dagang, dropship, perniagaan kecil-kecilan yang bukan di bawah skim keusahawanan Kementerian Pembangunan Usahawan Dan Koperasi (KUSKOP), TEKUN dan Amanah Ikhtiar Malaysia (AIM) sebelum memulakan perniagaan.

Peserta MyKasih Kapital dinilai, dipantau dan mengikuti kursus-kursus bersesuaian bagi mempersiapkan diri dalam bidang perniagaan sama ada melalui sektor formal atau informal.

“Ini merupakan usaha berterusan Kerajaan untuk memartabatkan golongan wanita dalam aspek sosio-ekonomi. Pihak NGO dan syarikat serta orang perseorangan adalah amat dialu-alukan untuk melaksanakan program-program bersesuaian untuk manfaat kumpulan sasar khususnya wanita. Diharapkan dengan adanya kerjasama ini, golongan yang terjejas khususnya wanita dapat dibantu dan secara tidak langsung dapat menyumbang kepada perkembangan ekonomi negara” ujar Nancy dalam ucapan perasmian Kursus Keusahawanan Wanita Bangkit@KPWKM.

Disediakan oleh:
Yayasan Kebajikan Negara
Aras 8, No. 55, Persiaran Perdana,
Presint 4, 62100 Putrajaya.
03-8323 2437/2420